



Ministry of Civil Affairs

Broj:12-07-10-714/26  
Sarajevo, 30. 1. 2026. godine

BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM  
n/r Darijana Filipović, zastupnica

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 03.07.2026			
Organizaciona jedinica	Klasifikaciona oznaka	Redni broj	Broj priloga
01-50-1-	K-	35	26

**PREDMET:** Odgovor na usmeno poslaničko pitanje, dostavlja se,

**VEZA:** Vaš akt broj: 01-50-1-15-35/26 od 20. 1. 2026. godine,

Poštovani,

Dana 20. 1. 2026. godine zastupnica u Zastupničkom domu Parlamentarne skupštine Bosne i Hercegovine Darijana Filipović postavila je ministrici civilnih poslova Bosne i Hercegovine usmeno zastupničko pitanje na koje je ministrica civilnih poslova Bosne i Hercegovine dana 22. 1. 2026. godine na 35. sjednici Zastupničkog doma Parlamentarne skupštine Bosne i Hercegovine dala usmeni odgovor.

Ovim putem vam dostavljamo i pismeni odgovor usmenog zastupničkog pitanja.

S poštovanjem,

MINISTRICA

dr. sc. Dubravka Bošnjak

**Dostavljeno:**

-Naslovu;  
-a/a.



*Ministry of Civil Affairs*

---

Broj: 12-07-10-714/26  
Sarajevo, 30. 1. 2026. godine

**ODGOVOR**

**Darijana Filipović**, zastupnica u Zastupničkom domu Parlamentarne skupštine Bosne i Hercegovine, postavila je **usmeno** zastupničko pitanje koje glasi:

„S obzirom na strateške ciljeve deminiranja, molim informacije o tome kolika je točna površina teritorija u Bosni i Hercegovini koja do sada nije deminirana, odnosno koja se još uvijek vodi kao minski sumnjiva?

Također, molim da se dostave informacije o planiranoj dinamici i obimu deminiranja za tekuću godinu, uključujući planirane aktivnosti, utvrđene prioritete te očekivane rezultate u okviru nadležnih institucija?“

Na postavljeno poslaničko pitanje, ministrica civilnih poslova Bosne i Hercegovine odgovorila je usmeno na 35. sjednici Zastupničkog doma Parlamentarne skupštine Bosne i Hercegovine održanoj dana 22. 1. 2026. godine, te vam ovim putem dostavlja i pismeni:

**ODGOVOR**

Prema prvim procjenama nakon završetka rata u Bosni i Hercegovini, površina kontaminirana minama se prostirala na oko 4.200 km<sup>2</sup>, odnosno 8,2% ukupne površine Bosne i Hercegovine.

Prema izvještajima Centra za uklanjanje mina u BiH (u daljem tekstu: BHMACH) o aktivnostima i stanju razminiranja, koje Ministarstvo civilnih poslova Bosne i Hercegovine (u daljem tekstu: Ministarstvo) kvartalno traži od BHMACH-a, u 2025. godini je razminirano 51,8 km<sup>2</sup>, a na početku 2026. godine minsko sumnjiva površina u Bosni i Hercegovini iznosi 771,07 km<sup>2</sup>, odnosno 1,51% ukupne površine Bosne i Hercegovine, što čini Bosnu i Hercegovinu još uvijek zemljom, koja se suočava sa velikim minskim problemom.

Strateški dokumenti u Bosni i Hercegovini u oblasti razminiranja su Strategija protuminskog djelovanja – revidirani dokument za razdoblje 2025 – 2027. godine i Plan aktivnosti protuminskog djelovanja za 2025. i 2026. godinu, oba usvojena od strane Vijeća ministara Bosne i Hercegovine, koji za 2026. godinu predviđaju razminiranje 75 km<sup>2</sup>.

Uvijek napominjemo da je razminiranje veoma kompleksan proces koji u Bosni i Hercegovini zavisi od velikog broja sudionika, međunarodnih donatora i spremnosti svih razina vlasti u Bosni i Hercegovini da kontinuirano izdvajaju sredstva za razminiranje.

U samom procesu, osim BHMACH-a u razminiranje su uključene i Oružane snage Bosne i Hercegovine, entitetske uprave civilne zaštite te brojne međunarodne organizacije.

Uočivši da proces razminiranja ne teče planiranom dinamikom već dugi niz godina, na početku mandata putem Vijeća ministara Bosne i Hercegovine ministrica civilnih poslova je pokrenula inicijativu da BHMACH zajedno sa ostalim sudionicima u razminiranju napravi sveobuhvatnu analizu svih prethodnih godina rada, preispita realizaciju planova razminiranja, koji se već dugi niz godina izvršavaju u izrazito niskom postotku (prosječno svega 35%) te da se izrade novi realni planovi razminiranja, čiju bi provedbu imalo smisla pratiti i vrednovati.

Upravo na ovaj zahtjev Ministarstva, BHMACH je zajedno sa Oružanim snagama Bosne i Hercegovine, entitetskim upravama civilne zaštite, MAG-om (Mines Advisory Group), NPA-om (Norveška narodna pomoć), EUFOR-om i drugim relevantnim domaćim i međunarodnim sudionicima protuminskog djelovanja, kroz Strategiju protuminskog djelovanja – revidirani dokument za razdoblje 2025 – 2027. godine, usvojenu na 76. sjednici Vijeća ministara Bosne i Hercegovine 15.4.2025. godine, postavio novi godišnji cilj razminiranja od 75 km<sup>2</sup>.

U skladu sa revidiranom Strategijom sačinjen je i Plan aktivnosti protuminskog djelovanja za 2025. i 2026. godinu, usvojen na 83. sjednice Vijeća ministara Bosne i Hercegovine 3.7.2025. godine, koji predviđa godišnje za 2025. i 2026. godinu razminiranje 75 km<sup>2</sup> Bosne i Hercegovine.

S obzirom na zatečeno stanje odmah je bilo jasno da Bosna i Hercegovina nije u mogućnosti ispuniti obaveze u pogledu razminiranja do ožujka 2027. godine, kao posljednjeg odobrenog roka za razminiranje prema članku 5. Ottawske konvencije te BHMACH i Povjerenstvo za razminiranje, sukladno zaduženjima Vijeća ministara Bosne i Hercegovine sa 76. sjednice održane dana 15.04.2025. godine, moraju izraditi zahtjev za produženje roka prema članku 5. Ottawske konvencije, za čije podnošenje Komitetu za implementaciju obaveza po Ottawskoj konvenciji je krajnji rok kraj ožujka 2026. godine.

Očekujemo da ovaj dokument bude dostavljen Ministarstvu prije daljeg upućivanja Komitetu.

Nažalost, potrebno je naglasiti da se Bosna i Hercegovina posljednjih godina suočava sa smanjenjem donatorske pomoći i izlaskom međunarodnih organizacija za razminiranje iz ovog procesa u Bosni i Hercegovini uslijed globalne situacije, ratnih sukoba, međunarodnih napetosti i nestabilnosti.

Navedeno ukazuje na nužnost većeg angažmana svih razina vlasti Bosne i Hercegovine.

U ovom kontekstu Ministarstvo je pokrenulo proceduru donošenja novog Zakona o protuminskom djelovanju kojim je, između ostalog, predviđeno da se proračunska sredstva za provođenje plana razminiranja osiguravaju na godišnjoj razini u iznosu od najmanje 0,2% proračuna institucija Bosne i Hercegovine, proračuna entiteta i Brčko Distrikta, sve do proglašenja njihovog teritorija oslobođenim od minske opasnosti.

Nacrt novog Zakona bio je dostupan široj javnosti putem portala e-konzultacije, a istovremeno je u toku ishodenje potrebnih mišljenja nadležnih institucija.

Također, na prijedlog Ministarstva, Vijeće ministara BiH je 2024. godine donijelo Odluku o odobravanju višegodišnjeg projekta sufinansiranja troškova razminiranja u Bosni i Hercegovini za razdoblje 2025.-2027. godine u vrijednosti 2 miliona KM, koja sredstva su usvajanjem Proračuna institucija Bosne i Hercegovine za 2025. godinu stavljena na raspolaganje i za 2025 godinu iznose 650 tisuća KM.

Ova sredstva odlukom Vijeća ministara Bosne i Hercegovine iz prosinca 2025. godine su raspoređena na ukupno sedam korisnika sredstava (gradovi Zvornik i Bosanska Krupa, općine Kiseljak, Ravno i Bugojno, opština Trnovo i Županija Posavska) sa kojima je Ministarstvo potpisalo Memorandume o korištenju dodijeljenih sredstava.

Ovime su, po prvi put iz državnog proračuna osigurana značajna sredstva za projekte razminiranja, kroz model sufinansiranja troškova razminiranja zajedno sa korisnicima sredstava.

Dalje, Ministarstvo je osiguralo kontinuitet održavanja sastanaka Odbora donatora za protuminsko djelovanje u Bosni i Hercegovini na polugodišnjoj razini tako da su u 2025. godini održana dva sastanka Odbora donatora, a posljednja tri su održana u kontinuitetu otprilike svakih pola godine te se, u skladu sa usvojenom dinamikom, planiraju održati dva sastanka Odbora u 2026. godini.

Ministarstvo je u suradnji sa Povjerenstvom za razminiranje i BHMAC-om, organiziralo koordinacijski sastanak u vezi procesa razminiranja u Bosni i Hercegovini, na kojem su bili prisutni predstavnici entitetskih vlada i vlade Brčko Distrikta, kao i predstavnici dvaju državnih ministarstava - Ministarstva financija i trezora i Ministarstva sigurnosti, na kojem su među ostalim, sudionici konstatirali da je neophodno da se sve razine vlasti u Bosni i Hercegovini uključe u izdvajanje sredstava za konkretne protuminske akcije i da isto učine kroz proračunske planove te su istakli važnost donošenja novog Zakona o protuminskom djelovanju u Bosni i Hercegovini.

Takoder, Ministarstvo je, prepoznavši nužnost bliske suradnje BHMAC-a sa entitetskim upravama civilne zaštite i Brčko Distrikta i Oružanim snagama Bosne i Hercegovine, zadužilo BHMAC da najmanje jednom kvartalno održava koordinacijske sastanke sa istima, a sve u cilju koordiniranja aktivnosti na izvršavanju plana razminiranja, razmjenu iskustava, iznošenju problema i rješavanja istih.

Ovo su neke od aktivnosti Ministarstva koje, vjerujemo, jasno ukazuju da razminiranje ostaje prioritet Ministarstva, kao i na opredijeljenost Ministarstva na ubrzanje procesa razminiranja Bosne i Hercegovine i ostvarenja zajedničkog cilja „Bosna i Hercegovina bez mina“.

S poštovanjem

MINISTARSTVO  
dr. sc. **Dubravka Bošnjak**



**Dostavljeno:**

-Naslovu;

-a/a.